

Almennar skólareglur Hamraskóla

1. *Almenn umgengni.* Nemendur skulu leitast við að koma fram af háttvísi og þróðmennsku í skólanum og annars staðar þar sem þeir eru á hans vegum. Nemendur eiga að ganga vel um skólann og fara vel með búnað. Nemendum ber að fara eftir fyrirmælum starfsfólks skólans. Heimilt er að vísa nemanda úr kennslustund ef nauðsyn krefur (sjá reglur um brottvísun úr kennslustund hér á eftir). Háreiði og hlaup á göngum eru ekki leyfð. Valdi nemandi skemmdum á tækjum, húsbúnaði eða öðrum eignum skólans skulu foreldrar bæta tjónið. Ofbeldi, í hvaða mynd sem er, er óheimilt í skólanum. Ef nemandi beitir ofbeldi er haft samband við foreldra og getur komið til að nemanda sé vísað heim daglangt en það fer eftir alvarleika brotsins. Unnið samkvæmt reglugerð um ábyrgð og skyldur aðila skólasamfélagsins í grunnskólum.
2. *Samskipti.* Í Hamraskóla er lögð áhersla á jákvæð samskipti og gagnkvæma virðingu. Nemendum ber að sýna hver öðrum og starfsfólki skólans kurteisi.
3. *Mætingar.* Nemendur eiga að mæta stundvíslega í skólann samkvæmt stundaskrá og ber foreldrum að sjá til þess samkvæmt lögum. Allar fjarvistir nemenda eru skráðar. Umsjónarkennarar hafa samband við foreldra ef mætingu nemenda er ábótavant. Unnið samkvæmt verkferli um skólasókn og ástundunarvanda.

Tilkynna skal veikindi og leyfi samdægurs á skrifstofu skólans áður en kennsla hefst í síma 4116800. Veikindi er hægt að skrá beint inn á mentor.is. Ef forföll eru ekki tilkynnt er litið þannig á að um óheimila fjarvist sé að ræða. Hringja skal daglega meðan á veikindum stendur.

Leyfi í 1 til 2 daga ber að tilkynna á skrifstofu skólans áður en leyfi hefst. Þurfi nemandi leyfi úr skóla í 3 daga eða lengur skal foreldri sækja um leyfi á þar til gerðum eyðublöðum. Eyðublöð vegna leyfisbeiðna er hægt að nálgast hjá ritara og á heimasíðu skólans.

Öll röskun á námi nemanda, sem hlýst af umbeðnu leyfi, er á ábyrgð foreldra.

4. *Frímínútur.* Nemendur í 1. – 7. bekk eru úti í frímínútum. Óheimilt er að fara út af skólalóð í frímínútum nema með sérstöku leyfi starfsmanna skólans. Nemendur skulu sýna aðgæslu og tillitssemi við skólafélaga í frímínútum. Nemendur skulu vera klæddir eftir veðri.
5. *Eigur nemenda.* Yfirhafnir og skó skal merkja greinilega. Ekki er tekin ábyrgð á persónulegum eignum nemenda né fjármunum.
6. *Hjól.* Samkvæmt umferðarlögum mega nemendur yngri en 7 ára ekki hjóla á akbraut nema undir leiðsögn aðila 15 ára eða eldri. Notkun reiðhjóla, hlaupahjóla, hjólabretta, línu- eða hjólaskauta er bönnuð á skólalóð á skólatíma og göngum skólans. Nemendur geta læst reiðhjólum við hjólagrindur en reiðhjól, hlaupahjól, hjólabretti, línu- og hjólaskautar eru á ábyrgð hvers og eins
7. *Neysla vímuefna.* Reykingar og neysla annarra vímuefna svo og rafrettur og nikótínþúðar er bannaðir á skólatíma, á skólalóð, í nágrenni skólans og alls staðar þar sem nemendur eru á vegum skólans, t.d. á skólaskemmtunum, á skólaferðalögum og í vettvangsferðum. Ef nemendur verða uppvísir að, eða grunur leikur á neyslu vímuefna verður haft samband við foreldra. Haft verður samband við lögreglu og/eða barnaverndaryfirvöld ef ástæða þykir til. Heimilt er að vísa nemanda úr skóla um stundasakir ef hann verður uppvís að neyslu eða sölu

vímuefna. Ef nemendur neyta vímuefna í ferðum á vegum skólans verður haft samband við foreldra og þeir beðnir að sækja nemendur. Verði nemandi uppvís að neyslu eða sölu vímuefna er unnið samkvæmt reglugerð um ábyrgð og skyldur aðila skólasamfélags.

8. *Tæki.* Nemendum er óheimilt að nota farsíma eða sambærileg tæki í kennslustundum og í frímínútum. Skilyrðislaust skal vera slökkt á slíkum tækjum í kennslustundum. Geyma skal tæki í skólatöskum á meðan nemendur eru í skólanum og æskilegast er að slíkur búnaður sé skilinn eftir heima. Ef nemendur verða uppvísir að notkun slíkra tækja (t.d. að svara og tala í farsíma, taka á móti og/eða senda sms skilaboð), eða að farsími hringir í kennslustund, og nemandi er ekki til samvinnu um að ganga frá honum í skólatösku er haft samband við foreldra. Tölvubúnaður Hamraskóla er eign skólans og fyrst og fremst ætlaður til náms, kennslu, kynningar og annars er samræmist markmiðum skólans.
9. *Hættuleg tól og tæki.* Óheimilt er að koma með eldfæri og hvers kyns hluti sem beita má sem vopnum í skólanum, eins og hnífa. Slíkt verður tekið af nemendum og foreldrum gert viðvart. Heimilt er að vísa nemanda úr skóla um stundasakir ef nemandi notar hættuleg tól eða tæki sem vopn og ógnar þannig eigin eða annarra lífi eða heilsu. Verði nemandi uppvís að broti á þessari reglu er unnið samkvæmt verklagsreglum Skóla- og frístundasviðs Reykjavíkur.

Reglur í ferðum á vegum skólans

Allar almennar skólareglur og viðbrögð við hegðunarfrávikum gilda í ferðum á vegum skólans. Ef um lengri ferðir er að ræða þurfa foreldrar og nemendur að skrifa undir eyðublað þar sem fram kemur að ferðin er heimiluð af foreldrum. Komi upp alvarleg brot á skólareglum eða brot á landslögum í ferð á vegum skólans þarf foreldri að sækja nemanda eða hann sendur heim á kostnað foreldra. Gangi nemanda illa að virða skólareglur og fara eftir þeim er það mat kennara og skólastjórnenda hvort foreldrar fylgi nemanda í ferðum á vegum skólans. Nemendur, sem ekki taka þátt í skólaferðalögum, mæta í skóla samkvæmt stundaskrá.

Reglur um tölvunotkun í Hamraskóla

1. Tölvubúnaður Hamraskóla er eign skólans og fyrst og fremst ætlaður til náms, kennslu, kynningar og annars er samræmist markmiðum skólans.
2. Allir nemendur skólans hafa eigið notandanafn og netfang hjá skólanum.
3. Handhafi notandanafns í tölvukerfi skólans er ábyrgur fyrir allri notkun þess og verður að muna að skrá sig út í hvert skipti sem hann yfirgefur viðkomandi tölvu. Óheimilt er að veita öðrum aðgang að notandanafni sínu.
4. Meðferð hvers konar matvæla og drykkjarfanga er bönnuð nálægt tölvum skólans.
5. Á vefnum www.gskolar.is er að finna fræðsluefni um verkefnið Stafræn gróska sem ætlað er til upplýsinga fyrir foreldra og forsjáraðila, nemendur og starfsfólk.

6. Óheimilt er:

- Að reyna að tengjast tölvubúnaði skólans með öðru notandanafni en því sem nemandi hefur fengið úthlutað.
- Að nota aðgang að neti skólans til þess að reyna að komast ólöglega inn á net eða tölvur í eigu annarra.
- Að breyta vinnuumhverfi á tölvum skólans þannig að það hafi áhrif á umhverfi og notkunarmöguleika annarra notenda.
- Að breyta, afrita eða fjarlægja vélbúnað, hugbúnað eða gögn sem eru í eigu skólans.
- Að setja inn hugbúnað á tölvur skólans án samþykkis kennara eða tölvuumsjónarmanns.
- Að senda keðjubréf og annan ruslpóst.
- Að sækja, senda, geyma eða nota á neti eða tölvum skólans forrit sem ætluð eru til innbrotá eða annarra skemmdarverka.
- Að senda, sækja eða geyma efni sem er ólöglegt eða bersýnilega grefur undan almannaheill. Sem dæmi má nefna klám eða annað efni sem er einungis til að niðurlægja aðra, sem og kynþátta-, hryðjuverka- og ofbeldisáróður.
- Að nota spjallrásir nema undir stjórn kennara.

Skemmi nemandi búnað skólans þarf hann eða foreldrar hans að bæta tjónið. Brot gegn þessum reglum getur leitt til lokunar á aðgangi viðkomandi nemanda að tölvuneti skólans og getur orðið að lögreglumáli sé brotið alvarlegt.